

տի կարողանայ տիեզերքի հոգեբանը դառնալ :

* * *

Ես չեմ տեսել Արարատեան դաշտից աւելի լուսաւոր դաշտ :

Այստեղ լոյսը, ինչպէս Արեւմուտքում, թախառող պատահականութիւնն է, ամպերի միջից վայր ընկած ճառագայթները փունջ կամ ստուերների հակադրական՝ բէմբրանդեան պայքար, այլ խաղաղօրէն սփռուած, բիւրեղեայ մի պարտէզի համայնատարած կայծկըլտում :

Դաշտ եւ լոյս՝ մի են : Երբ գիւղացին հերկում է, նա իր բահի հարուածով դուրս է նետում հողի հետ նաեւ լոյսի մի կոյտ :

Ու Արարատը լուսաւորութիւնը կանոնաւորող մեծ հայելի է նմանում : Նա իր պայծառութիւնը հեռաւոր լեռներից է առնում՝ Հիմալայից, եւ ձեռմակ փարոսի նման պտրտելով, հորիզոնների բոցը եւ ոսկին մաղում է ամպերի մէջ ու սփռում այստեղ :

Արեւմտեան մարդը, լոյսը լմբոնում է, ինչպէս երազ, անդորրութիւն, բախտ : Նա ապրում է փոթորկալից ամպերի տակ, որի դէմ կառուցել է ստուերների ոճը՝ դոթական եկեղեցին : Նրա հողին անհանդիստ է, տուայտող, չարչարող մտքի դանակների տակ արիւնած : Նրա միտքը զննող է եւ միեւնոյն ժամանակ յոռետես : Նա իրապաշտ է . լոյսի բացակայութեան պատճառով նա ուզում է արժէքաւորել ստուերը, անկանոն շուքերի խաղը : Նա ապրում է տպաւորութիւններով, անցողակի եւ փոփոխական զգացումների անհանգիստ պայքարների պահանջի տակ :

Այստեղ՝ մարդը ապրում է լոյսի հետ միացած : Արեւը մարմին է, ամենօրեայ հաց : Ու հացը իր կրօնական պաշտամունքին միացնում է դժօլ ու զուրնան :

Մեր ճարտարապետութիւնը արտաքին գունաւորման պահանջ չունի : Պարսկական մզկիթի գմբէթը զարդարուած է գոյնզգոյն նկարներով : Բիւզանդական եկեղեցին, մանաւանդ իր ուսական ձեւի մէջ ոսկիներով է ծածկուած : Հայ տաճարը մերկ է եւ ամբողջական : Արարատի զազաթի նման նա լոյս է եւ երաժշտութիւն :

Այսօր ես լմբոնեցի մեր հին տաղերի հիմնական ոճը, մեր ճարտարապետութեան եւ մեր

հաւատքի ողբիկնացած կառուցուածքը, մեր կարպեաների ժուժկալ գունաւորումը եւ մեր լեզուի շարժուն հնչականութիւնը :

Եւ հասկացայ նաեւ, որ Նարեկացին այստեղ չէ ծնած :

Նա հայ հողու միւս երեսն է :

* * *

Քայլերիւ տակ դաշտը խուլօրէն տրոփում է : Ինչպի՛սի մերկացած մեծութիւն : Զեռքերը կրծքին դրած, պառկել է մի հսկայ եւ ականջ է գնում տարածութիւնների մէջ սփռուած տիեզերքին :

Ոչ մի առասպելի դանդակը չի հնչում այստեղ : Եթէ հնչէ իսկ՝ չի լսուիր : Ինքը դաշտը լուսաւոր ձայների մի երգ է, անլսելի, բայց ակնյայտ մի զօղանջում : Հնչուն բառերով լեցուն, աստուածաշնչական մի հսկայ էջ է, որի վրայ Արարատի զազաթը ման է ածում իր վառ աչքերը :

Այս հողի վրայ պէտք է ման գալ ստարուպիկ :

Խոնարհ ձեռքերով պէտք է վերցնել նրա բոյսերը ու սիրել պարզ սիրտով :

Պէտք է գտնել հիմնական հնչականութիւնը, լսել սկիզբնասկիզբ ձայնը եւ լուսաւորութեան մէջ լսել :

Կան երկրազնդի վրայ ճակատագրական վայրեր, որոնք կոչուած են, պատմութեան որոշ վայրկեաններին, մարդկութեան այլակերպութեան նպաստել :

Մեզ, հայերիս, տիեզերքի մէջ, տարօրինակ դեր է վիճակուած : Մի դեր, որ կատարում ենք, բայց անզիտակցում : Պատմութիւնը դեռ մութ է : Նրա գիրքը կողպուած է եօթը բանալիով : Նրա նպատակը անյայտ է, եւ, սակայն, մշուհների միջից ճառագայթներ են երևում, որոնք պէտք է մեզ լրջօրէն մտածել տան :

Արարատեան դաշտը օրբան է : Արարատը կենտրոն եւ նախակէտ : Նրա զազաթը, հայ եկեղեցու գմբէթի հետ, քայլեց աշխարհի վերայից, անցաւ Փոքր Ասիան, մագլցեց Դանուբը, կանգ առաւ Իտալիայում, զնաց Գերմանիա, Շուեդիա, Նորվեգիա, Ֆրանսա, բարձրացաւ մինչեւ Անգլիա, մինչեւ Իրլանդա :

Այստեղ Հնդկաստանը, Բիւզանդիոնը եւ Արեւմուտքը կանգ են առնում, գրկախառնը-